

Inzko apelira da se usvoji državni budžet za 2012.



Visoki predstavnik Valentin Inzko i prvi zamjenik visokog predstavnika Roderick Moore sastali su se danas sa ministrom finansija i trezora Nikolom Špirićem.

Čestitajući ministru Špiriću na imenovanju, visoki predstavnik Inzko rekao je da se sa novom vladom pojavio i novi entuzijazam i nada, kao i očekivanje da će nova vlada ubrzati reforme koje će zemlju približiti NATO-u i EU.

“Međunarodna zajednica očekuje od nadležnih vlasti da, kao jedan od prioriteta, osiguraju usvajanje Globalnog fiskalnog okvira za period 2012.-2014. te državnog budžeta za 2012. bez odlaganja, uz potpuno poštivanje ustavnih procedura i nadležnog zakonodavstva. Također, iznos budžeta treba da bude dovoljan za osiguranje punog funkcioniranja institucija na državnom nivou te servisiranja međunarodnih obaveza BiH,” rekao je visoki predstavnik Inzko.

Visoki predstavnik također je istaknuo punu podršku postojanju sistema indirektnog oporezivanja kao jednog od najvećih uspjeha koje je ova zemlja postigla te pozvao ministra Špirića, kao predsjedavajućeg Upravnog odbora Uprave za indirektno oporezivanje, da osigura očuvanje reformskih dostignuća, u korist svih građana BiH.